

Pelbagai kejayaan diraih tahun lalu

KUALA LUMPUR 16 Jan. - Tahun 2016 menyaksikan beberapa kejayaan diraih warga Kementerian Pendidikan termasuk di peringkat antarabangsa yang sekali gus dilihat telah memartabatkan bidang pendidikan negara.

Menyatakan itu, Menteri Pendidikan, Datuk Seri Mahdzir Khalid berkata, antara kejayaan tersebut adalah pengajuran persidangan antarabangsa seperti *The 9th ASEAN Education Minister and the Senior Education Officials Meeting* di Sunway Resort Hotel and Spa serta *Asia Pacific Regional Forum on Early Childhood Care and*

Education di Hotel Marriott, Putrajaya.

"Sebagai ahli Lembaga Eksekutif UNESCO, Malaysia memainkan peranan penting dalam menyumbangkan idea dan amalan terbaik dalam pendidikan yang boleh dijadikan contoh oleh negara lain, terutamanya negara dunia ketiga."

"Kejayaan kita menganjurkan persidangan berskala besar ini mendapat pujian dari negara-negara yang hadir. Tahniah diucapkan kepada semua pihak yang telah bertungkus lumus memastikan kedua-dua persidangan ini dapat dijalankan dengan jayanya," katanya.

Tambahnya, selain daripada memberikan khidmat kepada para pelajar dalam organisasi luar negara, Kementerian Pendidikan juga telah menerima banyak kunjungan daripada delegasi luar negara yang ingin mengetahui dengan lebih dekat usaha transformasi pendidikan yang sedang dilaksanakan.

"Perkongsian amalan terbaik dan pengalaman ini membuktikan bahawa

usaha kita memartabatkan pendidikan diiktiraf pada peringkat antarabangsa," ujar Mahdzir.

Meskipun negara diuji dengan kejatuhan harga minyak dunia dan kemelesetan ekonomi global sehingga menuntut pengubahsuaian Bajet 2016, tidak menghalang Kementerian Pendidikan untuk memacu peningkatan sistem dalam Gelombang 2 PPPM 2013-2025.

Jelas Mahdzir, inisiatif PPPM telah disusun dengan rapi dan diajarkan dengan peruntukan sedia ada pada tahun lepas bagi memastikan keberhasilan dapat dicapai.

"Antara pencapaian yang signifikan termasuklah peningkatan peratus prasekolah Kementerian Pendidikan melepas standard minimum prasekolah kebangsaan daripada 89.8 peratus pada 2015 kepada 99 peratus tahun lalu. Kita juga telah melihat peratus sekolah dengan pelibatan ibu bapa melepas sasaran 65 peratus kehadiran dalam enam aktiviti utama mencapai lebih 92 peratus.

"Dari segi perbelanjaan berhemah, peratus sasarannya penjimatan yang diajarkan ke aktiviti yang mendukung keberhasilan murid meningkat daripada 27 peratus pada 2015 kepada 77 peratus pada 2016.

"Kejayaan ini dan yang lainnya merupakan pencapaian yang amat bermakna dalam usaha kita memastikan transformasi pendidikan terus dilaksanakan dengan jayanya," katanya.

Kejayaan Malaysia mencatat peningkatan dalam kajian *Trends in International Mathematics and Science Study*

UTUSAN MALAYSIA

17/1/2017 p. 7

(TIMSS) 2015 membuktikan komitmen kerajaan khususnya pihak Kementerian Pendidikan sendiri untuk merealisasikan transformasi pendidikan negara.

"Malaysia berada pada kedudukan pertengahan antara 39 negara peserta TIMSS 2015 berbanding pada tahun 2011. Bagi pencapaian dalam *Programme for International Student Assessment* (PISA) 2015, Malaysia telah menunjukkan peningkatan dalam ketiga-tiga domain literasi iaitu literasi sains, literasi matematik dan literasi bacaan berbanding dengan pencapaian PISA 2012," ujarnya.

Kejayaan seorang guru dari Kolej Vokasional Keningau, Sabah iaitu Mohd. Sirhajwan Idek sehingga melayakkan diri ke peringkat akhir Anugerah Global Teacher Prize di Dubai pada bulan Mac 2017 setelah disenarai pendek daripada lebih 20,000 pencalonan guru dari 179 buah negara merupakan sesuatu yang sangat mengujakan.

Mohd. Sirhajwan turut mendapat pengiktirafan kerana menjadi seorang daripada lima pemenang global Guru Di Hatiku dan memenangi Biasiswa Macmillan ke United Kingdom.

"Semangat gigih dan kental guru ini amat wajar dicontohi terutama dalam menghadapi cabaran mendidik anak murid di luar bandar yang majoriti terdiri daripada keluarga berstatus sosioekonomi rendah dan kurang mendapat pendedahan tentang dunia luar," katanya.

Pada tahun 2016, Malaysia telah mencatat sejarah dengan memenangi beberapa pingat dalam Temasya Sukan Olimpik Rio, Brazil dan Kementerian Pendidikan berbangga kerana wira Olimpik negara memulakan langkah mereka di Sekolah Sukan Malaysia.

"Kejayaan atlet terjun, Pandalela Rinong dan Cheong Jun Hoong yang memenangi pingat



PASUKAN Reka Cipta dan Inovasi SBP Integrasi Gombak yang merangkul pingat emas dalam Pameran Reka Cipta Antarabangsa di Warsaw, Poland.

perak selain Goh Liu Ying dan Chan Peng Soon yang meraih pingat perak acara badminton (beregu campuran) dan Goh Wei Shem dan Tan Wee Kiong (beregu lelaki) amat membanggakan. Mereka ini semua merupakan atlet Sekolah Sukan Malaysia sekali gus telah mengharumkan nama Kementerian Pendidikan.

"Turut menjadi detik bersejarah bagi negara kita adalah kejayaan atlet paralimpik, Abdul Latif Romly yang meraih pingat emas dan mencipta rekod baharu dunia bagi acara lompat jauh T20 dengan catatan 7.60 meter di Temasya Sukan Paralimpik Rio, Brazil pada September tahun lalu," katanya.

Turut meraih kejayaan adalah bakat-bakat dari Sekolah Seni Malaysia. Pada tahun 2016, Sekolah Seni Malaysia Sarawak tidak menghamparkan negara apabila meraih tempat kedua dan Anugerah Khas Juri dalam Program *International Folklore Competition International Talent 2016*, di Costa Brava, Sepanyol.

Kementerian Pendidikan juga berbangga dengan kejayaan kontingen negara yang saban tahun meraih anugerah dalam pertandingan robotik. Pada *13th World Robot Olympiad 2016*, di

New Delhi, India, kontinen negara telah meraih dua emas, dua perak dan satu gangsa dan satu Excellence Awards, sekali gus meraikan kemenangan buat kali keenam juara keseluruhan dunia.

Selain itu, tambah Mahdzir, pasukan Reka Cipta dan Inovasi Sekolah Berasrama Penuh (SBP) Integrasi Gombak juga telah mengharumkan nama negara apabila merangkul pingat emas dan dua anugerah khas dalam Pameran Reka Cipta Antarabangsa di Warsaw, Poland pada Oktober 2016.

Selain itu, kejayaan Kohort Pertama Graduan Kolej Vokasional juga menjadi kebanggaan Kementerian Pendidikan. Konvolesyen Kolej Vokasional Kali Pertama telah diadakan pada 2016 dan seramai 2,273 graduan cohort pertama dari 16 program di 15 Kolej Vokasional Rintis telah menamatkan pengajian pada bulan April 2016.

"Jelas sekali dengan kejayaan-kejayaan ini, pendidikan negara berada di landasan yang betul untuk mencapai matlamat seperti teratas negara yang mempunyai sistem pendidikan terbaik di dunia selepas 2025 nanti," katanya.

